



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Præmiis.

urn:nbn:de:hbz:466:1-36094

HÆC in eo sunt, quia hic ipse Messias socius supplicij, pro
bo mentem eius docet, & in ea ipsa consolatione λόγος in illis
caus est, & per eum æternus Pater effundit Spiritum sanctum in
huius auditoris, ut accendat læticiam in eo, dilectionem, innocen-
tiam, spem vitæ æternæ, & alias virtutes.

DE PRÆMIIS.

PAVLVS inquit Roma. 6. Donum Dei est vitæ æterna per
filium IESVM Dominum nostrum: & reconciliati seu iustifica-
simul sunt coheredes filij Dei propter ipsum, non propter propria
merita.

FIDES accipiens remissionem peccatorum &
iustificationem, & spes vitæ æternæ, nituntur filio Dei Mediatore
expresse dictum est Iohan. 6. Hæc est voluntas Patris, ut omnis
dens in filium, habeat vitam æternam. Et Roma. 5. Iustificati
pacem habemus apud Deum, per Dominum nostrum IESVM Chri-
stum, per quem & accessum habemus fide in gratiam hanc, in qua
stamus, & gloriamur spe vitæ æternæ.

CONVINGIT I-
DEM & SPES, & affirmat utranq; nisi Mediatore, & manifestum
est, spem non debere niti nostris operibus, quia dictum est Psal. 144.
Non iustificabitur in conspectu tuo omnis vivens: sed ut propter
filium filium Dei agentes pœnitentiam reputantur iusti fide, & propter
eum, & per eum vivificantur: ita propter eum, & non propter
merita, donatur vitæ æterna: sicut latro in cruce audit hanc prom-
issionem, Hodie eris mecum in paradiso. Lucæ 23.

NEC somnandum est, filium Dei tantum præparatorem
vitæ æternam nobis meruisse, aut dare, & nos postea nostris operi-
bus mereri vitam æternam: sed sit in conspectu dictum dulcissimum
Hoseæ 13. Omors ero mors tua, & pestis tua o inferne. Propter
um Dei, & per eum liberamur à morte æterna, & transferimur in vi-
tam æternam, sicut ipse inquit, Ego vitam æternam do eis. Et
Iohan. 5. Qui habet filium, habet vitam. Ac sit spes certa & firma
sicut Petrus inquit 1. Petr. 1. Perfekte sperate, id est, non dubia
opinionem, sed firma spe expectate vitam æternam, videlicet propter Me-
diatorem. Et recte Augustinus inquit in libro Meditationum, Tri-
tius fiduciæ certitudo est in sanguine Christi. Ut unq; certissimum
sit, agentem pœnitentiam propter filium Dei gratis fide accipere
remissionem peccatorum, & iustificationem, & hunc esse hæreditem
vitæ æternæ, sicut Paulus inquit Roma. 8. Quicumq; Spiritu Deo
aguntur, hi sunt filij Dei: Si autem filij hæredes Dei, &c. Et tunc
simul verum est, eos qui effundunt Spiritum sanctum, deficientes
fide, aut ruentes contra conscientiam, nec redeunt ad Deum per pe-
nitentiam.

mentiam, non esse hæredes, sicut dicitur ad Galat. 5. Qui talia gerunt, regnum Dei non possidebunt. Et 1. Timoth. 1. Milita bonam mentem, habens fidem & bonam conscientiam, quam quidam reprobos, circa fidem naufragium fecerunt. Et Matth. 25. Esuriui, & non dedistis mihi manducare. Et ibunt hi in supplicium æternum, iusti autem in vitam æternam.

C A E T E R V M, etsi vita æterna datur propter filium Dei renatis, tamen simul etiam est merces bonorum operum, sicut dicitur Matth. 5. Merces vestra copiosa est in caelis. Vt patrimonium est merces laborum filij, etiam si propter aliam causam filio attribuitur.

P R A E T E R E A addidit Deus bonis operibus suas quasdam promissiones, quare & pro bonis operibus sanctorum, tribuit Deus etiam in hac vita multa spiritualia & corporalia bona, alias aliter, ut ipsi sua inenarrabili sapientia placet. 1. Timoth. 4. Pietas habet promissiones præsentis & futuræ vitæ. Marti 10. Recipient centuplum in hac vita, sed cum tribulatione, & post hæc vitam, vitam æternam. Matth. 10. Qui dederit potum vni ex minimis propter doctrinam, non perdet mercedem. Luc. 6. Date, & dabitur vobis. Exod. 20. Honora patrem & matrem, ut sis longævus supra terram. Esai. 33. Panis ei dabitur, aquæ eius erunt cæta: Regem in decore videbunt, id est, pro obædienria & bonis operibus, Deus dat tranquillam politiam, honestam & placidam gubernationem, &c. Esai. 58. Frange esurienti panem tuum, & eris sicut hortus irriguus, &c.

E T notum est exemplum viduæ Sareptanæ, 3. Reg. 17. Et Psaltes dicit, Psalm. 112. Opes & diuitiæ in domo eius. Quia enim in hac mortali & ærumnosa vita Deus Ecclesiam colligit, & vult eam esse honestam congregationem: præbet ei aliqua hospitalia mediocria, præbet nidos pijs familijs, puerperis, educationi puerorum, propagationi doctrinæ, deniq; vult conservare generis humani societatem, æconomias & politias: & quidem ideo, ut colligi Ecclesia possit.

Q U A R E propter sanctorum preces, & propter eorum diligentiam, & propter communem necessitatem, tribuit aliquando gubernationem minus turbulentam, pacem, fecunditatem agrorum, & alia bona: ut propter Ioseph, Naaman, Danielem, regna illa feliciora erant. Et Ieremias cap. 19. præcipit, ut exules in Babilione petant hospitio pacem, & salutarem gubernationem. Sicut etiam sæpe propter Ecclesiæ delicta cumulantur pœnæ: ut in pœna tribus Benjamin, Davidis, & alijs conspicitur. Vult autem Deus intelligi hæc beneficia corpori necessaria, & sciri vult ea diuinitus tribui. Vult in eis petendis exerceri fidem, ut suo loco copiosius dicimus. Nunc ideo hæc pauca addidimus, ut in hac confessione etiam extet testimonium in nostris Ecclesijs, doctrinam de bonis operibus veram & necessariam fideliter proponi.